

ԵՐԱԺԵՏԱԿԱՆ ՆԿԱՏՈՂՈՒԹԻՒՆՆԵՐ

ԳՐ. ՆԱՀԱՊԵՏԵԱՆԻ

II

Յունար ամսից Թիֆլիսի երաժշտական աշխարհում երեք նորութիւններ չափոնւեցան, այ. Մասկանցի (Mascangni) «Գիւղական ասպետութիւն» (Cavaliere Rusticana) մի գործողութիւնից բաղկացած օպերան, որ ինքը հեղինակը համեստաբար գուսաներգ (мелодрама) է անւանել, 2) Արքունական Թատրոնում կալացած համերգական (симфонический) առաւօտը և 3) «Ֆաուստ» օպերայից երկու գործողութիւն հաներէն:

Թէ ինչպէս կատարւեց «Գիւղական Ասպետութիւն» օպերան, դորա մասին ես չեմ խօսիլ. ապաքանը միայն կասեմ, որ ի բաց առած տիկ. Զարուհնային, բոլոր մնացած դերակատարները սիրողներ էին:

— Սիրողներ ի՞նչ բանի՞ գուցէ հեգնօրէն հարցնելու լինիք դուք:

Սակայն ձեր արած հարցին ես համեստութիւնից կը լռեմ:

Թէև քիչած օպերայում շատ քիչ ինքնուրոյնութիւն կալ և եղանակների մեծ մասը, մինչև անգամ նւագախմբելու ձևը (ալսինքն նւագախմբական գործիքների իրար հետ ձալնակցելու ձևը) փոխ է առւած մինչև այժմ նշանաւոր օպերաներ գրողներից՝ ինչպէս Բիզէ, Վագներ, Վերդի և այլն, բայց ահու ամենալին չի կարելի իսկոյն և եթ չը նկատել, որ այդ օպերան գրած է տաղանդաւոր, թէ և դեռ չ'ամրացած ձեռքով: Որովհետև Մասկանցին դեռ շատ երիտասարդ է, կարելի է դրականապէս ասել որ նրան փալլուն ապագալ է սպասում: «Գիւղական Ասպետութիւն» օպերայում երաժշտութիւնը շատ քաղցրահնչիւն է (ինչպէս և բոլոր իտալական օպերաներում) և նիւթի (сюжетъ) համակրելիութիւնը մասամբ ի նկատի ունենալով մեծ հետաքրքրութեամբ է լսում: Իսկ նիւթը երաժշտութեան համար շատ շնորհակալ է: Նրիտասարդ գեղջկուհու խաբած և տոնակոխ արած սէրը, նորա վրէժը, նորա սիրեկանի մահը մեծամարտութեան ժամանակ, երիտասարդ գեղջկուհու վհատութիւնը և ամենը

նորն հոգով, Պարոն Իսկուխտով-Խվանով շատ աջող կառավարեց օպերան, նազախումբը անպայման լաւ էր: Այդ օպերան երեք անգամ դուրսը Արտիստական ընկերութեան բեմի վրայ, Ի հարկէ պատեղ էլ նազախումբական մասերը, ներածութիւնը և երկրորդ պատկերի անտրակտը, ¹⁾ ներկայ եղողներից մեծամասնութիւնը բոլորովին անուշադիր թողնց, նա աւելորդ չեմ համարում մէջ բերել տեղի ունեցած նետեալ կոմիկական դէպքը: Առջևս նստած էր «Արտիստական ընկերութեան» ամենօրեակ հիւրերից (Заседатели) մէկը որը երկրորդ պատկերի անտրակտի կատարելու ամբողջ ժամանակը բաւական չարմար և մինչև անգամ աջող գտաւ իրա մօտ նստած մի կնոջ բարձրաձայն բացարտելու սովեալների օգտին վիճակախաղի ողջ տոմսակի և նորա կտրոնների զանազանութիւնը: Նրա խօսակից տիկինը բարձրաձայն ծիծաղում էր: Չնայած որ մի քանիսը բողոքում էին իմ հարևանիս անտեղի խօսակցութեան դէմ, անհանգիստ հիւրը չէր կարողանում իրան զսպել և, տարօրինակ բան, նորա հետ խօսող տիկինը աճ ժամանակ միայն կատարելապէս ըմբռնեց տոմսակի և կտրոնի մէջ եղած զանազանութիւնը, երբ անտրակտը վերջացաւ: Հաստարակութիւնը սկսեց ծափահարել և անտրակտի կրկնութիւնը պահանջել: Անհանգիստ հարեւանս ինձ դարձաւ հարցնելով.

— Ինչպէս է, լաւ է:

— Հիանալի է, պատասխանեցի ևս. և երևակայեցէք՝ իմ խռովարող հարևանս սկսեց մեզ հետ ծափահարել և աղաղակել «bis, bis»

Փետրուար 14 ի համերգական նազահանդէսը պ. Իսկուխտով-Խվանովի կառավարութեամբ ընդհանրապէս հարթ անցաւ և մեծ էր զարմանքս՝ թատրոնը լի տեսնելով: Կատարեցին «Ունեգրին» օպերայի ներածութիւնը հեղ. Վագների, Բէթհովենի № 4 կոնցերտը, Չակովսկու № 2 սիմֆոնիան և մի քանի ուրիշ բաներ: Դրանցից անպայման կերպով ամենագրաւիչն էր Բեթհովենի կոնցերտը, որը կատարեց պ. Մատկովսկին: Նազախումբի ձայնակցութեամբս Բալց կոնցերտի կատարելը հեռու էր անպարտաւելի լինելուց, Պարոն Մատկովսկին լաւ տեխնիկա ունի, բայց նրա տուչէն (պսինքն ածելու ձևը) կոպիտ է, բոլորովին զուրկ այն բանից ինչ որ ուսերէն՝ ПЪВУЧЕСТЬ է կոչում: Անուամենայնիւ այդ կոնցերտը հասարակութեանը դուր եկաւ: Ամենապաշտ կատարածը պէտք է համարել՝ բացառապէս նազախումբական մի գրածք՝ Չակովսկու սիմֆոնիան: Մեր սովորական թատրոնական նազախումբը, որը սիրողներով ստարացած էր, փորձառու դիրիժորի կառավարութեամբ լաղթեց արևստական կեր-

¹⁾ Մի քանի օպերաներ, բացի ընդունած ներածութիւններից ունին նաեւ փոքրիկ ներածութիւններ բոլոր գործողութիւնների համար: Զոկ-Զոկ, որոնք (այդ ներածութիւնները) անտրակտ են կոչում:

սրով կազմած արդ գրածքի՝ բոլոր դժարութիւններին և ընդհանրապէս ֆուրոր գործեց:

Բայց ինչ ահագին անդունդ կալ Բեթհովենի և Չակովսկու գրածների մէջ, Ասենք Չակովսկին իսկի չաւակնութիւն չունի համեմատելու, բայց աշխատանքային արդ երկու կոմպոզիտորների գրածքների կատարելու ժամանակ նրանց մէջ եղած նշանաւոր տարբերութիւնը չի կարող աչքի չ'ընկնել: Ամենից առաջ Բեթհովենի բոլոր գրածքներում աչք է զարնում հանճարի կորովը, երաժշտական մտքերի խորութիւնը, զետույժ եււերի գեղեցկութեւնը, վաւելչութիւնը, երաժշտական գործիքների հրաշալի միաւորութիւնը: Չակովսկու մօտ կորով գրէթէ չ'կալ, նրա գրածքներում գլխաւոր դերն է խաղում էրուդիցիան (ալսինքն երաժշտութեան լայնածաւալ գիտութիւնը) բայց նրա երաժշտական մտքերը չաճախ հասարակ (banal), банальныя են և մինչև անգամ դուռնական են: Օրինակի համար՝ վիշալ սիմֆոնիայի վերջին մասը: Բայց արդ բոլորը փոխարինում է, ինչպէս ես վերև վիշցի, էրուդիցիայով, գիտնականութեամբ և երաժշտական գործիքների գիտուն կցորդութեամբ (сочетание):

Արդ պատճառով զարմանալի չէ, որ ալժմեան նշանաւոր երաժիշտների մէջ (մանաւանդ Արևմտեան Սերոպպում) գտնւում են մարդիկ, որոնք Չակովսկու գրածքները չեն սիրում: Բայց դուք ոչ մի տեղ, ոչ մի երկրում և ոչ մի երաժիշտ չէք գտնիլ, որը Բեթհովենի դէմ գէթ մի բան առարկէր:

Հայերէն «Ֆաուստի» մասին մի ալ անգամ: